



LIZARTZAKO
U D A L A
GIPUZKOA

OIHANPISTA ETA UDALARI DAGOZKION BIDEEN ERABILPEN BEREZIRAKO OINARRIEN ORDENANTZA ERREGULATZAILEA

Korporazio Lokalen ondasunak erostea, administratzea eta erabiltzea Erregimen Lokaleko Legeak eta beru erregulatzen duten Erregelamenduek, Koporazio Lokaletako Zerbitzuen Erregelamenduak eta Ondasunen Erregelamenduak bereziki, arautzen dute. Aipatu legeriak aurrikusten du, halaber, Korporazio Lokalek beren eskurantzak erabiliz arautu ahal izango dituztela Bandoak, Ordenantzak, Erregelamenduak, eta abarren bitartez kasu bakoitzari dagozkion zehazpenak.

Jabari publikoko ondasunen erabilera, amankomuna, orokorra, pribatiboa, anormala, etabar izan daitekeena, horrezaz gainera erabilera amankomun berezia aurrikusten du, erabileraren intentsitatea eta lizentziari lotua egon ahal izatea direlarik haren ezaugarri nagusiak.

Erabilera amankomuneko jabari publikoko ondasun bat erabilera baldintza onetan mantentzeak, hala nola mendi pistak eta bideak oro har, ahalegin handia eskatzen du, bai administrazioaren aldetik bai partikular erabiltzaile orokorren aldetik.

Oihanpistetan eragindako kalteak direla eta, kamio asko normal erabili ezinean geratu dira, eta horiek berriztu eta hobetzeari ekin zaio, gehienak erabiltzeko baldintza onetan gelditu direlarik.

Erabilera intentsibo eta desagokiak edo neurritz gainekoak berehala hondatzen du zorua, ibilgailu normalek erabil dezaten galeraziz.

Egur ateratze lanak, batipat, pisten erabilera intentsiboa behar du eta gero bideena errepide nagusira heldu arte, beraietan kalte handiak eginez, normalean areagotu egiten direnak oinarrizko erabilera arauak ez betetzeagatik edo gaizki betetzeagatik: gehiegizko zamak, ibilgailu desagokiak, euriteka, eta abar.

Egindako inbertsioek eta gerora egingo direnek behar den eta bestalde erabiltzaile publiko orokorrak desiratzen duen errentagarritasuna eduki dezaten, behar-beharrezkoa da erabilera berezia erregulatzea, bideen kontserbazioa eta titulartasun publikoko bide horietatik udalerriko puntu desberdinetara heltzeko egoera ona garantizatzekeo.

Ordenantza honekin era espezifiko erregulatu nahi da lizentzia eskuratzeko derrigortasuna mendi pista eta bideen erabilera berezira, baita berme fidantza bat gordailatu beharra.



LIZARTZAKO
U D A L A
GIPUZKOA

1. Art.- Ordenantzaren helburua Udal titlartasuneko pista eta bideen erabilera berezia erregulatzea da, jabari publikoko ondasunekin zerikusia duten alorretan Udalari emandako eskumenak erabiliz.
2. Art.- Udal titulartasuneko edozein mota eta mailatako pista eta bideak erabilera orokorreko ondasun publikoak dira.
3. Art.- Udalari dagokio, edozein kasutan, erabilera publikoko ondasunen erabilera desberdinak planifikatu eta erregulatzea.
4. Art.- Ordenantza honen eraginetarako erabilera berezikotzat honako hau hartzen da: tonelada haundiko kamioiak, traktore haundiak, belar ibilgailuak, katedun gurpileko ibilgailuak eta antzekoak erabiliz materialeak garraiatzea, baita haien ibiltzea ere.

LIZENTZIA ESKURATZEKO DERRIGORTASUNA

5. Art.- Derrigorrezkoa da lizentzia eskuratzea, aurreko artikuluan ikusitako iharduerari ekin aurretik.
6. Art.- Debekaturik daude erabilera kasu guztietarako, hogeitasei tona baino gehiagoko gehieneko pisua duten belar ibilgailu, katedun gurpilezko ibilgailu eta ibilgailu orokorrekin egin beharreko lanak; baita zoruaren gaineko arrastre zuzenekoak edota ongi definitu gabeko errodadura banda dutenak. Salbuetsirik daude ezinbesteko kasuetan iharduera espezifikoko eta puntualak, horretarako behar bezalako baimen espresua izango dutenak.
7. Art.- Lizentzia eskatzeko Alkatetzari zuzendutako idazkia bidaliko da, argi eta garbi adieraziz ibilbide nagusia eta hala badagokio, erabiltzeko beste aukerak, lanen zenbatekoa eta neurriak, ustez behar den denbora eta, oro har, beharrezko informaziorako ezinbestekotzat jotzen diren datu guztiak, promotoreak edota behar bezala identifikaturiko legezko ordezkariak sinaturik.
8. Art.- Eskatutako edo eska litezkeen baldintzak betez eskaria aurkeztuta, tramitean onartuta eta, kasu balitz, gaiak ulertzen duen Informazio Batzordeak edota bestela udal enplegatuek entzunda lizentziari baiezkotzea edo ezezkotzea emango zaio hura aurkeztu eta gehienez ere hilabeteko epean.
9. Art.- Lizentziarekin batera erabilerazko baldintza orokorrak nahiz kasuaren partikularrak adieraziko dira, beti ere derrigorrez bete behar direnak. Lizentzia



LIZARTZAKO
U D A L A
GIPUZKOA

hori hirugarrenen kalterik gabe ulertuko da eta kasu bakoitzean beharrezko baimenak eskuratzeaz salbuetsi gabe.

10. Art.- Lizentziaren eskatzaileak eta aginduzko izaera-rekin berme fidantza bat gordailatu beharko du, lanak egiterakoan sor litezkeen kalteengatik erantzuteko.

FIDANTZA GORDAILATZEA

11. Art.- Egun lizentziari atxikirik tipifikatuta dagoen iharduera nagusia egur ateratzea denez gero, lizentzia eskariari erantsi beharko zaio BAIZER, Oihan eta Izadiaren Kontserbaziorako Zerbitzuak egindako baimen eta neurketa orria, atera beharreko egurraren gutxi gora beherako kopurua gaineratuz.

12. Art.- Ezarri beharreko gutxieneko fidantza, HIRU MILA (3.000,00) €-takoa izango da.

Eta gainera, oinarrizko kalkulu gisa, finkatzen da:

Bidearen Luzera Fiantza

Km 1eraino	3,00 € bidearen metro lineal bakoitzeko.
Km 1 eta 2 bitart.	4,00 € bidearen metro lineal bakoitzeko,
Km 2 baino geh.	5,00 € bidearen metro lineal bakoitzeko.

13. Art.- Garraiatu beharreko materialea beste mota batekoa balitz, harrobiko materialea, buztinak, mineraleak, etabar, oinarri unitarioa egurrarentzat zehaztu den kopuruaren arabera kalkulatu da.

14. Art.- Behin fidantzaren kopurua zehazturik, eskudiruan gordailatuko da Udaletxeko Kutxan iharduerari ekin aurretik, Fidantza hori, halaber, banketxeko abal finkoaren bitartez utzi daiteke, Udalaren alde zenbateko osoagatik eta Korporazioa amaitu arteko indarraldi espresuarekin.

FIDANTZAREN ITZULKETA


15. Art.- Utzitako fidantzaren itzulketa edo, kasu balitz, banketxeko abalaren kitapena eskatzeko idazki bat igorri beharko zaio Alkatetzari, lanei amaiera eman zaiela adieraziz, baita egingo liratekeen kalteak erabat konpondu direla.



LIZARTZAKO
UDALA
GIPUZKOA

16. Art.- Aurreko artikuluan aipatutako idazkia aurkeztu eta hilabeteko epean, Udal enplegatuek edo Informazio Batzordeak egindako txostena ikusirik, Alkateak fidantzaren itzulketa erabakiko du, hala badagokio, edota lizentziaren titularrari egin behar dituen konponketen berri emango zaio. Jakinerazpena egin zaionetik hilabetera konponketak egin ez balitu Udalak egingo ditu promotorearen kontura, utzitako fidantzaren zenbatekotik beharrezko kopurua kenduaz.
17. Art.- Baldin eta gordailaturiko fidantzak zuzenean edo zeharka eragindako kalteak konpontzeko gastuak estaliko ez balitu, Udalak erantzunkizun deribatua eskatuko luke, lizentziaren titularraren aurka legezko neurriak hartuz.

LIZARTZAKO



UDALA